

11/21

16. 11. 11

11/21

DH 105

83 105/105

105

105

105

3









THE  
OFFICE OF  
THE  
TREASURER  
OF THE  
UNITED STATES  
DEPARTMENT OF  
THE INTERIOR  
WASHINGTON, D. C.



A MONSIEUR  
M<sup>RE</sup> MICHEL LARCHER  
CHEVALIER SIEVR D'OLISY, &c.  
Conseiller du Roy en ses Conseils,  
& President en sa Chambre des  
Comptes.



MONSIEUR,


*Ayant reconnu l'affection que vous portez à toutes les Sciences, & principalement à celle de Pourtraicture, & de quel œil vous daignez voir ceux qui en font profession. l'ay pris la hardiesse de vous offrir ce petit Livre, traittant la maniere de pourtraire*



la plus noble & principale partie du  
petit monde l'homme ; sçavoir la te-  
ste, de laquelle vous pourrez voir la  
differente Pourtraiture, soit qu'elle  
soit en sa scituation naturelle, soit  
qu'elle soit inclinée, ou reflechie, ou  
l'une & l'autre ensemblement, tant  
en comparaison de la teste veüe, que  
de l'œil qui la regarde. Le present est  
fort petit, bien que le subiect ne me-  
rite d'estre refusé ; mais l'affection  
de celuy qui vous le presente est gran-  
de, comme estant celuy qui n'aspire  
que d'estre

Vostre humble & af-  
fectionné seruiteur  
de S. Igny.





## AV LECTEUR

**A**MY LECTEUR, voyant que depuis vn si long-temps que la Peinture & Pourtraiture est en vogue & credit, personne ne s'estoit efforcé de donner la parfaite maniere de pourtraire la figure humaine, au moins que ie sçache (sinon Albert Durer qui en a discouru quelque chose, dequoy tu pourras faire iugement le lisant, & de combien il s'est esloigné de la verité. I'ay voulu pour aider à la ieunesse, & aux rudes en l'art de pourtraire, donner au iour quatre liures de ladite portraiture, desquels l'ordre est tel. Le 1. traite de la maniere de designer & portraire la teste humaine en quelque sorte de scituation & posture quelle ce puisse récontrer, tant à son respect, que de celuy qui la

regarde, me seruant en cecy pour la  
facilité de quelques principes & de-  
monstrations Geometriques. Le 2. est  
toute la figure humaine en sa char-  
nure avec toutes ces differentes dis-  
positions & postures, en laquelle il se  
peut rencontrer, nous seruant aussi  
comme en tous les deux liures suiuant  
des raisõs de la Geometrie pour trou-  
uer promptement les racourcisse-  
mens inclinations & reflections de tous les  
membres. Au 3. nous traitons du  
squelet ou portrait de l'Anatomie, &  
finalement au 4. des corps reue-  
stus & esto-ffés de draperie, ou autres or-  
nemens: Voila mon labeur, reçois-  
le d'un bon cœur, afin de me donner  
courage de continuer: corrige ce que  
tu trouueras de defectueux pour le  
profit du public, sans vser de passion.  
Adieu.





# ELEMENS DE POVRTRAITVRE.

---

## LIVRE PREMIER.

### DEFFINITIONS.



Ourtraire est trasser, deſcrire ou peindre des traits formant vne figure ſur quelque ſuperficie que ce ſoit, laquelle repreſente quelque choſe de celles qui ſont en la nature.

A

2

Et ceste figure est appellee pour-  
trait de ce quelle represente.

Bien que sans exception nous ayons dit  
en quelque superficie que ce soit ; neant-  
moins en ces Elemens nous n'entendons  
parler que de la superficie plane, esleuee  
perpendiculairement sur l'horison.

3

Pourtraire vne teste humaine, est  
faire vne figure representant icelle.

4

La teste humaine peut estre pour-  
traite en autant de façon qu'elle se  
peut mouuoir & estre scituee, ou bié  
que celuy qui la regarde change  
de diuerses dispositions.

5

Les varietez des Pourtraits de  
la teste, selon la scituation sont de  
diuerses facons, dequelles les vnes  
sont naturelles, les autres acciden-  
telles.



6

Les naturelles sont celles, lesquelles representent la teste en sa naturelle scituation; les accidentelles au contraire.

7

La scituation naturelle de la teste, est lors qu'une ligne tombant du sommet & point vertical d'icelle, passant par l'extremité du dernier vertebre, sur lequel elle se meut comme centre, est perpendiculaire à l'horison.

8

Et ceste ligne est appelée verticale naturelle: comme aussi l'horison, horison naturel.

9

Il y a 4 differences principales en la scituation naturelle de la teste: la première est appelée de front, lors que toute la face est veüe, & que les yeux

A ij

#### 4 ELEMENTS

& oreilles sont constituez en vne mesme ligne droite.

Voyez la figure de la seconde planche des lineamens.

10

La deuxiesme est dite de pourfil, quand on voit la moitié de la face & la moitié de la partie postérieure de la teste.

Figure 2. planche 2. linea.

11

La troisieme est celle de derriere ou reuers quand toute la partie postérieure de la teste est veüe.

Fig. 3. pl. 2. linea.

12

La quatrieme est la declinante qui est vne disposition de la teste veüe entre le pourfil & le front, ou entre le pourfil & le reuers.

Figure 4. pl. 2. linea.

De ces diuersitez la premiere & troisieme ne reçoient nul changement. & sont



## DE POVRTRAITVRE.

5

toufiours vnes, mais la deuxiefme, peut estre droite ou fenestre, & la quatriefme droite ou fenestre anterieure ; & droite & fenestre, posterieure.

13

Les fcituations accidentelles de la teste humaine font en grand nombre, derriuees de deux principales: ſçauoir, de l'inclination & de la reflexion de la teste.

14

L'inclination de la teste est quand conceuant d'une oreille à l'autre estre tirée vne ligne droite, la teste se meut ſur icelle, en ſorte que le menton, & vertex ſe hauſſe & baiſſe ; la ligne mencee dudit vertex au centre de la teste s'inclinant ſur la verticale principale.

Voyez les figures 5 & 6 pl. 4. linea.

15

L'inclination peut estre faite en deux fois autant de façons qu'il ſe

rencontre des scituations naturelles de la teste, desquelles vne moitié est basse, & l'autre haute.

16

La reflexion est vn mouuement de la teste fait de biais, comme si elle se mouuoit sur vne ligne droite tiree du milieu des deux yeux ou source du nez, à la nuque du col.

Voyez les figures 7 & 8 de la 4. planche des lineamens.

17

Il se rencontre autant de reflexions de la teste comme le double des scituations naturelles, les vnes sont droites, les autres senestres.

18

La teste est dite inclinee & reflexchie quand outre la scituation naturelle elle a fait les motions d'inclination & reflexion conioictement & se rencontre en 4 fois autant de

manieres qu'il y a de scituations naturelles.

Après auoir deffiny les dispositions de la teste humaine, d'autant que nostre intention est d'enseigner facilement l'art de Pourtraiture à ceux qui n'en ont cognoissance : Il nous a semblé bon de diuiser la teste par de certaines lignes, lesquelles passassent par les poincts principaux ou centres de chacune des parties de la teste, en quelque scituation qu'elle soit : à fin que ces poincts soient facilement trouuez; & qu'estant disposé sur le papier, on descriue en apres à l'entour d'iceux la partie de la teste qu'ils representent, selon la proportion que nous donnerons cy-apres. Nous dirons donc que la teste humaine, sans considerer les eminences, comme le derriere de la teste, le nez, les oreilles, le menton, comme




aussi les parties enfoncées telles que sont les temples, yeux, bouche, &c est de forme d'un œuf, ou pour mieux dire d'une Sphere oblôgue, appelée par les Geometres Spheroïde, comme la figure suiivante ABCD, en laquelle le poinct A represente le sommet de la teste ou vertex; & le poinct D, celuy du menton ou l'opposite du vertex. Que si ceste Spheroïde est conceuë diuisee par deux superficies planes passant par les poincts A & D comme AFDE, ABDC, s'entrecoupant l'une l'autre à angles droicts, icelles feront en la superficie de la Spheroïde deux circonferences d'oualles AFDE, ABDC, l'une desquelles AFDE passé par le poinct vertical & par le milieu du nez, de la bouche & du menton, & ceste oualle est appelée telle du pourfil.

L'autre oualle ABCD passe par le  
même

# DE POVRTRAITVRE. 9


mesme poinct du sommet, & par le milieu ou centres des oreilles. Et est dite oualle de front, la ligne droite AD, fera dire la ligne verticale ou axe sur lequel la face se meut pour faire sa declination.

Si l'axe AD, est diuisé en deux parties égales au poinct G, iceluy fera le centre de la teste, & le plan BECF, passant par iceluy couppant à angles



droicts le mesme axe fera en la superficie de la Spheroïde la circonférence d'un cercle, laquelle passe par les poincts des yeux & des oreilles, & ce cercle est appellé horizontal, la ligne BC faite par l'intersección de l'ouualle de front & du cercle horizontal, est appellée l'axe de l'inclination; à cause que la teste se meut sur icelle pour estre dite inclinée.

La figure suiuiante monstre l'inclination.






# DE POVRTRAITVRE. II

La ligne EF faite del'ouale de pour-  
fil, & du cercle horisontal, est dite  
axe de reflection ; pour áutant que  
la teste se meut sur icelle pour faire  
sa reflection.


La figure l'enseigne.



II

Et quand la motion de la teste est faite sur ces deux axes, on la dit inclinée & refflechie.

Comme en la figure suivante.



Les diuerſes ſcituations ou diſpoſitiōs de la teſte ſont reſſerees ou à la motion d'icelles, l'œil du regardant eſtant immobile, ou à la mutation de l'œil en diuers endroits la teſte demeurāt immobile, ou a la motion de l'vn ou de l'autre coniointement.

C'eſt pourquoy la methode des inclinations reſſections, &c. eſt cōmune ſoit qu'elle ſoit cauſee par le mouuement de la teſte ou de l'œil ou de l'vn & l'autre enſemblement. Il y a cecy à conſiderer qu'en la diſpoſition de la teſte par le moyen de la motion de l'œil, on ne doit rien adiouſter d'eſtrange aux lineamens de la face; & a celle qui vient de la motion de la meſme teſte, au contraire on doit y conſiderer l'extention & relachement des nerfs, qui cauſe que la face eſt renduë en quelque façon difforme, ou enſoncée, ou bien ridée.

En toutes les ſcituations naturelles



de la teste l'œil en regardant est toujours en la superficie du cercle horizontal.

3

Et en celles qui sont appelées accidentelles, l'œil en regardant est hors d'iceluy.

4

Quand l'œil est au plan de l'oualle du pourfil, & qui est aussi dans le plan du cercle horizontal, la teste est veüe de front ou de reuers, & l'oualle du pourfil & le cercle horizontal sont veus comme deux lignes droites s'entrecouppans à angles droicts, & l'interfection est le milieu du nez.

5

Et quand le mesme œil est dans le plan de l'oualle de front, & dans celui du cercle horizontal la teste est veüe de pourfil, & l'oualle de front, & le cercle horizontal sont veus

DE PORTRAITURE. 15  
comme deux lignes droites s'entre-  
couppans à angles droicts.

Que si l'œil n'est posé en l'une n'y  
l'autre superficie du cercle horison-  
tal ou oualle, lors la teste sera veüe  
declinante, inclinee ou refflechie, ou  
bien sous les deux ensemble, & les  
oualles tant de pourfil que de front,  
elles seront veües oualles, & pour le  
cercle horisontal, il paroistra vn arc  
de cercle en montant si l'œil est au  
dessus du cercle horisontal, ou en  
decendant, au dessous, c'est à dire  
quand la teste veüe regarde haut ou  
bas.

7

Lors que la teste est veüe de front  
inclinee ou refflechie les yeux, le nez,  
la bouche ny le menton, ne reçoivent  
aucune alteration selon leur  
largeur, mais bien en leur hauteur, se-  
lon la grandeur de l'inclination.

Si la teste est du pourfil, & qu'elle soit inclinée & refflechie, les mesmes choses receuront alteration tant de leur hauteur que largeur.

Les mesmes choses arriuent aussi à la teste declinante, inclinee & refflechie.

Les choses cy-deuant dites estant entendues, nous donnerons les moyens de trouver les poincts des parties principales de la teste par le moyen des ouales de front & pourfil; comme aussi du cercle horisontal, & de pourtraire icelle en quelque disposition quelle soit proposée.


## DES LINEAMENS DE LA teste humaine.

### PROPOSITION I.

*Pourtraire une teste veüe de front.*

**S**Oit faite l'oualle ABCD, de la premiere figure de la premiere planche & icelle diuisée par les deux diametres AC, BD  
s'en-





s'entrecouppans en deux également, & à angles droicts au milieu d'icelle, soit AC, ou EF, hauteur de la teste diuisee en quatre parties égales, & deux d'icelles depuis le point C, donnez à la hauteur de la source du nez, & vne à la hauteur de dessus de la levre supérieure à prendre du point C: En apres la grandeur CH, sera diuisée en trois parties égales, l'une d'icelle CL, sera pour la hauteur du menton, la seconde LI, pour la distance entre la cavité du dessus du menton iusques au commencement de l'ouverture de la bouche, & la restante LH, pour la hauteur depuis l'ouverture de la bouche iusques à la cavité entre le nez & la leure supérieure. La hauteur de la bouche doit estre diuisée en trois parties, deux d'icelles seront donnees à la leure inferieure, & la restante à la supérieure: pour la hauteur du nez, il doit contenir la quatriesme partie de la hauteur de l'oualle, & sa largeur sera la sixiesme partie de la largeur de la mesme; laquelle largeur sera diuisée en quatre parties, deux desquelles seront donnees à la forme du bout, qui se fera de forme ouale semblable à celle de la teste, & les deux autres à deux autres portions d'oualles de part

& d'autre de la premiere, lesquelles feront ensemble la forme du nez. Reste les yeux & les oreilles, pour les oreilles à cause qu'elles ne se voyent que de pourfil en la teste pourtraite de front, nous reseruerons leur dimension aux discours pour la teste du pourfil, en laquelle elles sont veuës de front, & en leur naturelle forme.


Quand est de la largeur de l'œil, elle est semblable à celle de la bouche ; sçauoir de la cinquiesme partie de la ligne horisontale DB, faisant aussi la ligne MN, la cinquiesme de la mesme DB, en sorte que MG, soit égale à GM, & les poinçts M, & N, seront les poinçts des deux angles des deux yeux ioignant le nez, desquels tirant deux lignes paralleles perpendiculaires sur la ligne horisontale, icelles termineront la largeur de la bouche ; & s'y des mesmes poinçts sur la ligne horisontale on prend de part & d'autre du nez la cinquiesme partie de la ligne BD, comme MO, NP : ces espaces seront les largeurs des deux yeux, desquels la grandeur des prunelles doit estre de la tierce partie de la largeur, ainsi que la figure le monstre. La ligne horisontale passe par le milieu de la hauteur de chacun des yeux, lesquelles


doiuent auoir estendue au dessus & deffous de la mesme ligne de la quatriesme partie de la hauteur du nez, & depuis la mesme ligne horisontale iusques au sourcil la moitié de la hauteur du mesme nez, ou huitiesme partie de toute la face. Voila generalmente tout ce qui appartient aux parties principales de la teste veüe de front : il reste l'embellissement des mesmes parties de la face ou front par le moyen de hachures, ombres & clartés, comme de cheueux, coiffures ou autre chose, lequel est fait selon le iugement & le dessein, & à l'imitation d'autres figures de semblable disposition, comme on peut voir en la figure premiere de la seconde planche suiuite, & la figure de la fin de ce liure cottée A, le mesme se doit entendre de toute autre disposition de la teste.

## NOTE.

Bien que l'oualle tant du pourfil que de front doiue estre faite avec la main d'un seul trait par l'aide du iugement; neantmoins à cause de la proportion de la hauteur d'icelles avec leur largeur, qui est comme 4 à 3, c'est à dire que la ligne AC de la figure precedente estant diuisées en quatre parties, trois d'icelles sont égales à la ligne







BD, nous enseignerons le moyen de la descrire geometriquement, afin que sur le modelle d'icelles on aoustume son iugement à en faire de semblable avec le seul trait de la main, l'oualle se fait donc ainsi.

Soient faits deux cercles GCA, BED de mesme grandeur, ayant leur centre B & A en la circonference l'un de l'autre, lesquels s'entrecouppent aux poincts B & C: puis tirer la ligne EH, passant par le centre B, de l'interualle de laquelle & du centre E, descriuant vn arc de cercle entre la circonference del'un & l'autre, & ce en sorte qu'il les touche sans les coupper; en apres de la mesme interualle & du poinct C, estant aussi descrit vn autre arc de cercle touchant, comme dit est, l'oualle semblable à celle de front ou pourfil sera HGFD.

---

### PROPOSITION 2.

*Pourtraire vne teste de reuers.*

**S**Oit en la troisieme figure de la premiere planche l'ouale du front ou reuers A BCD, de laquelle les diametres sont AC, BD, & sur icelle on veut pourtraire vne te-

ste de reuers. Premièrement on fera EF, égale au quart de la hauteur du nez : puis du point F, comme centre & interualle FA estant décrit le cercle ABD, iceluy terminera le crane de la teste; en apres pour faire les oreilles, lesquelles sont veuës seulement de pourfil, on fera DG, DH égales chacune à la moitié de la hauteur du nez, afin que toute la hauteur du nez soit égale à celle de l'oreille, & pour auoir la largeur du pourfil d'icelle, faut faire GK, égale à DG & HI, la moitié seulement : puis tirer IK, laquelle avec GH terminera le pourfil de l'oreille. Pour l'accomplissement de ceste Pourtraiture de reuers, voyez la troisieme figure de la deuxiesme planche suiuiante, & celle de la fin du liure marquee B.

---

PROPOSITION 3.

*Pourtraire vne teste en pourfil.*

**S**Oit faite l'oualle de la 2. figure de la premiere plâche ABCD diuisee par ces diametres AC, BD, apres auoir diuisee la hauteur d'icelle AC, ou son égale, ainsi qu'en



la teste de front, & trouués les poinçts de hauteur du nez, de la bouche, du menton, & des yeux, on cherchera leur eminence, qui sont que le bout du nez doit autant sortir de l'oualle que le bout du menton, & chacune de la moitié du nez & les levres le quart seulement, pour la largeur de l'œil elle doit estre de la moitié de celle du front, & l'angle d'iceluy vers l'oreille, distant de la source du nez de la cinquiesme partie du diametre BD, le pourfil du crane sera pourtrait, faisant GE égale à GA, & descriuant par les poinçts A & E vne ligne courbe se iettant en dehors du cercle, qui pourroit estre descrit du centre G & interuale GA.

Finalemēt, on pourtraira l'oreille prenant GF, moitié de GE, c'est à dire de la hauteur du nez; car tirant la ligne GF, & faisant sur icelle vne oualle, ayant son centre F, & sa longueur égale à celle du nez, icelle contiendra l'oreille, laquelle avec les autres parties par le moyen des poinçts trouuez, fera descrite en imitant la deuxiesme figure de la seconde planche, & la figure de la fin du liure marqué C.

## PROPOSITION 4.

*Pourtraire vne teste declinante.*

**L**A teste declinante du reuers n'est pas considerable; c'est pourquoy nous la passerons sous silence: mais pour la declinante de front, elle sera pourtraite ainsi: Soit en la quatriesme figure de la deuxiesme planche suiuiante l'oualle ABCD, faite ainsi que nous l'auons enseigné diuisee par ces diametres AC, BD, de haut en bas & de trauiers, sur la ligne AC on trouuera comme en la teste de front tous les poinçts terminans les hauteurs des parties de la face, qui sont leurs centres, sur l'oualle du pourfil, comme du nez, de la bouche, &c. & du poinçt de la hauteur du menton, tirant vne ligne perpendiculaire sur AC, où icelle rencontrera l'oualle vers l'endroit du declin, & par le poinçt on menera vn arc d'oualle, ou pour mieux dire de cercle couppant l'horizontal au poinçt H, en sorte que BH soit égal à l'excez du GA sur BG, & l'arc representera l'oualle du pourfil, sur lequel on transportera



portera tous les poinçts des hauteurs premierement trouuez sur AC, ce qui se fera par le moyē des perpendiculaires tirees des mesmes poinçts sur la mesme AC, iusques à l'arc descript. La saillie de la iouë & du menton sur l'oualle premiere sera de l'vne, la quatriesme partie du nez, de l'autre la tierce partie seulement; pour la saillie ou eminence du nez sur l'arc trouué sera de la tierce partie, ainsi que du menton la largeur de l'œil declinant, est terminé par l'oualle & l'arc accidentel trouué, & la largeur de l'autre sera comme de front, ayant son centre au poinçt G, centre de l'oualle, leur hauteur n'est diuerse à celles de la figure de front, la largeur de la bouche sera terminee par l'oualle premiere, & vn arc tiré de l'angle de l'œil, qui est veu droiçt parallele à l'arc accidentelle de l'oualle du pourfil AH, quand est du crane & de l'oreille, ils se feront en la mesme façon qu'au pourfil, sinon que l'oreille aura son centre au poinçt D, pour l'accomplissement, voyez la quatriesme figure de la premiere planche, & la figure marquee D, sur la fin du liure.



## PROPOSITION 5.

*Faire vne teste de front inclinée.*

**L'**Inclination haute ou basse de la teste est faite de la mesme sorte, il n'y a qu'à trouuer le racourcissement de l'oualle de front, & de l'inclination du cercle horison-tal, le reste se fait en apres avec l'ayde de la teste de pourfil, & de celle de front dans leur propre situation.

Ce racourcissement de l'oualle se fait ainsi : Soit l'oualle de front ABCD en la cinquiesme figure de la troisieme planche suiuite, dans laquelle on veut auoir vne teste inclinee vers bas de la grandeur de l'angle L, apres auoir tiré les diametres par le centre E, soit menée la ligne HEI, faisant avec la verticale AC l'angle HE égal à l'angle L, & soit faite EF, EG égales entr'elles & à EI, & par les quatre points FBGD, soit menée la nouuelle oualle, qui est celle du racourcissement.

Pour descrire l'horison accidentel du point B, soit menée BH perpendiculaire

à EH, & fait EK égale à EH, descriuant par les trois poincts B K D l'arc de cercle, lequel sera l'horison de l'inclination basse, si elle eust esté haute, il eust fallu la porter vers la partie superieure.

Maintenant pour trouuer toutes les hauteurs & largeurs des parties de la face, faut sur la ligne horizontale naturelle BD, de la sixiesme figure, porter la largeur d'icelles, ainsi qu'il a esté enseigné en la teste de front, puis tirer des lignes perpendiculaires à la mesme, vers la partie inferieure de la teste: puis faire sur l'oualle vne teste de pourfil & des poincts de toutes les hauteurs, tirer des arcs de cercles parallels à l'horisontal accidentel, lesquels termineront par le lieu de leur rencontre avec les perpendiculaires, qui leursconuiénent tant la hauteur que largeur de toutes les parties de la face, ainsi que la figure le monstre euidemment. Pour l'accomplissement, voyez la neuuesme & dixiesme figure de la cinquiesme planche, & sur la fin du liure, la figure E.

#### NOTE.

Il conuient noter que ce que nous venons de dire de l'inclination en la teste de front, comme ce qui se feracy deffous par les



oualles accidentelles, sont les inclinations ou reflexions, causez par les mouuemens de la teste, qui sont les vrayes : mais s'il s'agist des reflexions apparentes, c'est à dire, causees par la vision, selon la disposition du regardant ; lors il faudra se seruir de l'oualle premiere, inclinant seulement le cercle horizontal, comme on peut voir aux cinquiesme & sixiesme figure de la cinquiesme pl.

PROPOSITION 6.

*Pourtraire vne teste veüe de front, estant reflexie.*


Cela n'est en rien differé de la construction de la premiere proposition, sinon qu'il faut reflexir & faire l'oualle de biais. Voyez la septiesme figure de la planche troisieme, & la figure F.

PROPOSITION 7.

*Pourtraire vne teste veüe de front, inclinée & reflexie.*

ON satisfera à ceste proposition, si on fait vne oualle selon la vraye propo-





tion donnee & reflexie en mesme angle que celuy de la reflexion, & racourcie selon l'inclination, ainsi qu'il a esté enseigné en la cinquiesme proposition. Voyez la huitiesme figure de la planche troisieme, & pour l'ornement la figure G.

---

PROPOSITION 8.

*Pourtraire vne teste veüe de pourfil inclinée.*

**F**Aut incliner l'oualle du pourfil seulement, & faire au surplus comme en la troisieme proposition. Voyez la septiesme figure de la troisieme planche, voyez au reste pour l'ornement la figure H de la fin de ce liure.

---

PROPOSITION 9.

*Pcurtraire vne teste veüe de pourfil, & reflexie.*

**F**Aut faire vne oualle selon la proportion requise, & la racourcir selon la quantité de la reflexion; comme aussi trou-

uer


uer l'horison accidentel comme en la cinquiésme proposition: puis sur ceste oualle & horison accidentel, descrire ainsi qu'en la mesme proposition la figure, excepté que sur la ligne horizontale BD, il faut porter les parties des largeurs de la teste de pourfil. Voyez pour l'accomplissement la treiziésme & quatorziésme figure de la septiésme planche.

---

PROPOSITION 10.

*Pourtraire vne teste de pourfil inclinee & reslechie.*

**P**OUR faire cecy, on doit tracer l'oualle de pourfil inclinee comme en la huitiésme figure de la troisiésme planche: puis apres la racourcir selon la grandeur de l'inclination, comme aussi trouuer l'horison accidentel, & par le moyen d'iceluy & de l'oualle racourcie, trouuer les hauteurs & largeurs de toutes les parties de la teste, comme en la proposition precedente. Pour l'accomplissement, voyez la septiésme & huitiésme figure de la quatriésme planche, comme aussi la figure H.





## NOTE.




Biern que la methode de pourtraire les testes par le racourcissement, cy-deuant enseignete, soit la plus excellente de toutes; neantmoins à cause que ceux qui ne sont point verséz en la Geometrie, auroient de la peine à entendre nos termes, nous leurs conseillons de prendre pour lesdits racourcissements & autres les figures suiuanes, ausquelles il n'y a que les simples traiçts de la premiere oualle & cercle vertical, lesquels sont accomplies dans ce qu'elles representent.

## PROPOSITION II.

*Pourtraire vne teste declinante, estant aussi inclinée.*

P Our faire cela, on doit faire vne oualle selon la proportion donnée, de laquelle le plus grand diametre soit incliné sur la ligne verticale naturelle, de la quantité de l'inclination proposée, comme en la figure neuuesime de la sixiesme planche, l'oualle ABCD, dans laquelle on menera l'arc AF, comme il a esté monsté en la quatriesme

6



22


36

proposition. Cela fait, du poinct D, on menera la ligne DG, faisant l'angle EDG, égal à celuy de l'inclination, & par les poincts BGD, l'arc d'un cercle qui seruira d'horison accidentel.

Maintenant pour marquer les parties principales de la teste, on diuifera AC, par les hauteurs des parties de la teste, comme en celle du front, du nez, menton, leures, bouche, &c. pour auoir les mêmes parties sur l'arc AFC, en tirant la ligne EF, & des points des diuisions des paralleles à icelle, & pour les largeurs, la ligne CD, sera diuisee, comme en la teste declinante, afin de porter les parties sur l'horison accidentel ; par ainsi toutes les parties principales seront marquees. Icelles seront renduës parfaites, en imitant la quinziésme & seiziésme figure, de la septiésme planche, & celle de la fin du liure, marquee I.

#### NOTE.

Si l'inclination eust esté basse, il eust fallu mener DG, au deffous de CD.





## PROPOSITION 12.

*Faire vne teste declinante & reflexie.*

**F**Aut ainsi qu'en l'vnziesme figure de la sixiesme planche, faire l'oualle ABCD, ainsi que pour faire la teste declinante, laquelle sera racourcie, selon la reflexion possee estre AEI, faisant EF, EG égales chacune à EL: puis faisant vne oualle qui passe par les poinçts F, C, G, D, icelle sera celle du racourcissement, pour la reflexion proposee. Pour l'arc du cercle representant l'oualle du pourfil, il sera mené en faisant CH, égale à la difference de EF, à CE, & tirant vn arc FHG, par les poinçts F, H, G, iceluy passera par le milieu de la bouche, du nez, & du menton, l'horison accidentel sera mené tirant du poinçt D, la ligne DL, faisant avec ED, vn angle égal à celuy de la reflexion: puis tirant l'arc CLD, l'horison accidentel sera le mesme arc. Le reste sera paracheué comme en la proposition precedente, & accompli en imitant la dix-septiesme & dix-neufiesme figure de la huitiesme planche,

& la figure L, de la fin de ce liure.

## NOTE.

Faut noter que ceste reflexion est à gauche, si on l'a vouloit faire droite, il eust fallu mener la ligne LD, sous la ligne CD, afin que l'horison accidentel se fust baissé.

## PROPOSITION 13.

*Pourtraire vne teste declinante, inclinée & reflexie.*


SOit faite vne oualle preparee selon l'inclination, & par la precedente proposition soit icelle racourcie selon la reflexion, sans faire l'horison accidentel de l'inclination ny reflexion, comme en la figure douzieme de la sixiesme planche l'oualle A B CD. En apres, soit considéré si la reflexion est faite du menton vers le regardant, ou au contraire; car si elle est faite du menton vers le regardant, & que l'inclination soit haute faudra ioinde l'inclination avec la reflexiõ, & faire l'angle BDL, égale à tous les deux ensemble, & mener l'arc de cercle BD L, lequel sera l'horison accidentel. Si au contrai-

re

re reflexion est faite de la teste vers le regardant, & que l'inclination soit basse, faut faire le mesme au dessous de la ligne BD: mais si l'une est d'une façon, & l'autre de l'autre faudra oster l'inclination de la reflexion, ou au contraire, faisant l'angle BDL, au dessus si l'inclination est haut ou bas, si elle est basse, & qu'elle soit plus grande que la reflexion, si plus petite au contraire, le reste sera paracheué comme aux deux propositions precedentes & la teste accomplie, en imitant les 7. & 8. figures de la quatriesme planche, & sur la fin du liure, la figure marquée M.

## NOTE.

Encore que nous n'ayons donné la façon de trouver les lineamens que de la teste declinante de front; neantmoins en icelle est tout compris ce que peut estre dit de celle du reuers, à cause que le point de l'œil de l'une sert pour celui de l'oreille de l'autre, & l'oualle de pourfil aussi, excepté qu'en celle de reuers, on ne voit que bien peu du nez, de la bouche, & du menton, le reste estant caché par l'eminence de la iouë.





Faut noter, que bien que nous n'ayons en tous les discours cy-deuant fait mention que de la teste humaine, c'est à dire, de l'homme; neantmoins, il faut entendre les mesmes mesures pour la teste de la femme, comme aussi des enfans, la diuersité ne se rencontre qu'en la charnure, l'homme est plus sec, & par consequent moins plein de visage que la femme: pour les enfans, ils ont le nez plus court, ou bien il paroist tel à cause des iouës qui sont grosses & enflées: ils ont aussi le crane plus long que les hommes, ny que les femmes, & est en forme d'oualle, ainsi qu'on peut remarquer aux figures de la planche huitiesme suiuiante; & tout l'accomplissement de ces diuersitez de teste, peut estre donnee en imitant les figures, representant d'autres Portraits de semblables disposition que celle qu'on desire faire, reste à dire, que la teste de quelque maniere qu'elle soit, estant parfaite, on fera le col qui doit soustenir icelle, lequel a de longueur, depuis l'emmanchement des clauettes iusques à l'extremité du dernier vertebre, la hauteur entiere de la teste: la largeur d'iceluy sera les deux tiers de la largeur de la face en quelque sorte quelle soit disposée.

F I N.

---

EXTRAICT DV PRIVILEGE  
du Roy.

**P**Ar grace & Priuilege du Roy, il est permis à I E A N S. I G N Y Peintre & Sculpteur, de faire imprimer & grauer par tel Imprimeur & Graueur, ou Libraire, qu'il voudra choisir, vn Liure intitulé, *Les Elements de Pourtraictures*: Et defenses sont faites à toutes personnes, de quelque qualité & condition qu'ils soient de l'imprimer, vendre, ny distribuer, durant le temps & espace de trois ans, à peine de confiscation des exemplaires, d'amande arbitraire, & de tous despens, dommages & interests: comme il est declaré plus amplement en l'Original de ces Presentes. Donné à Lyon le dix huiſiesme iour d'Octobre mil six cens trente, Par le Roy en son Conseil.

P I Z E T.































ELEMENS  
DE  
POVRTRAITVRE  
*Inuaritee par le Sieur de*  
S.IGNY.























































II



A





B








14c












D





E. p. 5.






Г.р.6.



18






19

H
















L
















M. p. 13.

55









C 527

SPECIAL

86-B

23553

THE GETTY CENTER  
LIBRARY



